

Judges Taurauetara

Pariverena

Wei au bukana Joshua ana iraḡe marana ma i nae da Samuel ana tupua marana e ririweta.

Vinevinena

Joshua au murina aiwai i tupua (Jdg 2:7-19).

2

Joshua au murina

⁷ Mai Israel BADA i viborumei maranai Joshua lawalawaina i mamae ma i'raḡe ma kimtana magumagurii biaḡa i mamae i'raḡe-pai, wei ravai BADA kua gaegae i kauei i vimatatei.

⁸ Nun natuna - Joshua BADA ana taunola ana madeḡa 110 ma i'raḡe. ⁹ Ma doa i verevereia au Timnat Herak i doboi, Ephraim au olana, wei lamna Ola Gaash ana au laubadei.

¹⁰ Anina ma wei kimtana i nepai amamai awarii ma kimta ḡelauna ai gabu i vaia. Wate tau BADA eḡa ita aramanei ma nanare aiwai i kauei mai Israel aubai. ¹¹ Ma kua apoapoei i kauei BADA awarina ma Baal kokoitau i raudunelei. ¹² Tau BADA amamai ai God i votere-tawanei; Wei Godna tau Egyptei i taravaina-opunei. Ma i nae ma dobuḡela ravai au ririvai maemaei ai god i viborumei. Wei kauana BADA i viamlo-ḡaiḡaini. ¹³ Tau BADA i voterei ma Baal ma awana Ashtoreth kokoitau i viborumei. ¹⁴ Ma BADA amlona i ḡaiḡai kua mai Israel awari, da i veredamanei ai ḡavia awari ma

taui ai purapura i tama-naiei. Ma i voterei ai ġaviai maġamaġau i ririvai awari, ma taui eġa tagotagogina da ita vobelei. ¹⁵ BADA mai Israel i viġaviei maranai i opuopu viġavia aubaina. Lamna aubaina eġa ita vovaiuba BADA i ririwei nanare. Ma taui i vinuabola kaua.

¹⁶ Anina ma BADA taurauetara bo ġavia babadai i terepai, da i voagui da ai ġavia i vovaiubai. ¹⁷ Wate taui ai taurauetara i parivirevirei ma god ġelau i erawei ma i raudunelei. Taui laġilaġina amamai i bababara lana i voterei ma BADA i rau-aġaiġaiei. ¹⁸ BADA mai Israel ai tou i nonori menanare ai ġavia taui i rau-iviapoapoelei. BADA taurauetara i terei ma i voagui ma i gagaloei. Maranai taurauetara i mae, BADA mai Israel i raunuapoapolei. ¹⁹ Wate maranai taurauetara i 'raġe, rava, BADA i mae-puputei ma i apoapoe kaua eġa me amamai nanare ma god ġelau i vitaunolei ma i raudunelei. Taui i geduai kaua da ai kauai apoapoei ma ai ora pota ita voterei.

Mai Israel kaua apoapoei i kaukauei lamna ai parivainuaġana bagibagina BADA maiteni i kaukauei i viviaigai. BADA amlona i ġaiġai ma ana nota i terei da mai Israel ita raudadani da ita voagui da dobuġela ravai ita viaġaġana-opunei. Dobuġela ravai mai Israel i raudadani da taui BADA ina votaġotaġoi bo eġa me amamai i kauai nanare.

Wedau Mark
The Gospel of Mark in the Wedau Language of Papua
New Guinea
Buk Mak long tokples Wedau long Niugini

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

PDF generated using Haiola and XeLaTeX on 11 Nov 2022 from source files dated 9 Oct 2020

aa19f3e3-98fb-51fa-9c53-3906edc75f11